

mo ab obitu die, ob populi illud venerantis concursum, sepulturæ illatô. Plures, quas possemus, brevitatis studiô, non addimus Virgines animas, quæ variis in cœnobiis reformati Ordinis vitam vixere, & vivunt angelicam. * Quæ quidem omnia sic à nobis dicta sunt, ut miracula, Sanctitatis indicia, & hujusmodi, sola humana certitudine nixa referamus; nec majorem quàm Historicis fidem Summ. Pontificum decretis obsequentes, nobis adstrui cupimus. *

* Hist. Dif.
S. August.
Gongr.
Hispp.

* Protestatio
Auth.

Augustiniani Discalceati in Cæsaream S. Augustini Ecclesiam per Ferdinandum II. glor. mem. Imperatorem An. Chr. MDCXXX. introducuntur, gratiis & Privilegiis foventur, inde in heredit. alias Augustissimæ Domûs Provincias Colonias ducunt.

His igitur, tantisque Viris, quos recensuimus, Religio reformata celebris, mirum est; quàm celeriter in orbe Christiano dilatata sit, sic, ut illicò sub initium sæculi decimi sexti, vel prope initium in Hispaniarum Regno, * Madritense, Talabritense, Toletanum, Complutense, Machædanum, Xarandilianum, Salmanticense, Portillense, Vallisoletanum, Navis Regiæ, in valle vitiosa, in oppido S. Crucis, in valle de fontibus, Stremolliense, Valentinum, Cæsar-Augustanum, ibidémque in urbis pomœrio alterum, tertiumque, Calatujense, Borgiense, Oscanum, Alagonense, Candieliense, Barcinonense. Guifonense, Bernabacense, Bilbilitanum, Zueranum, Boleanum, Hispanense, Granatense, de S. Fide, Almagrense, Luchense, Tobosienense, Alcabricense, in censum non venientibus Monialium duobus supra quadraginta asceteriis, in Lusitania Conimbricense, Santarense, Ulyssiponense, Montis Morelli, Setubaliense, Moranum; In Philippinis Insulis Malinensia tria, Zebuense, Cabitense, Bictuanense, Linasense, Cajaganense, Bajuglense, Lajavense, Camiguense, Bacuaghense, Cidargonense, Parassoense, Tandaghense, Bislinense, Taghense, Bagangauense, Binalgabanense, Tuggavanense, Romblonense, Bantonense, Fuyente, Duivallense, Dumaranense, Calaminense, Bolinasense, Maslingense, Sigainense, Mariviense; In terra firma Oceani, Candelariense, Carthaginense, Panamense, Natanense, Mexicanum, Tunxenense, Monasteria, & Residentias numeraret. Provincie, * quæ Gallorum Regi parent, nec paucioribus coloniis auctæ sunt; siquidem in Delphinatu cœnobium Villaris Benedicti, Camberienense, Burgundienense, Gratianopolitanum, item in eadem urbe alterum, Lugdunenense, Voyronense, Viniacense, Viennense, Burnacense, ad Montem Crescentem, Claromontanum, Massiliense, Avenionense, Aquensia bina, Arelatense,

* Hist. Discalc. Hisp.

* Mauris.
à Mat. Dei
in Eremo
August.

Tolonense, Perpinianense, Taulianense, Malaufense, Berjamonense, Orgonense, Tarasconense, Tolosanum; in ipsa Francia: Regium Parisiense ad S. Germanum, Clarofontense, Argentolense, unâ cum Missione Africana, juxta Hypponem Africæ, in loco, Bastion de France dicto, amplissima cœnobia est reperire. Quodsi Italiam, Siciliam, Sabaudiam, Hetruriam, Genuesem & Mediolanensem ditiones lustremus, quibus incrementis domuum nostratium numerus non auxit? Eas Ordine elementari exhibemus: Acquævivæ in Marchia Anconitana, Albizolæ in Liguria, Ameliæ, Asculi, Atri, Aversæ, Battiniani in Oris Senarum maritimis, Biellæ in Pedemontio, Boruntii in Diœcesi Vercellensi, Calatanissetæ in Sicilia, Cameratæ, Carbonariæ, Calalis veteris, Catanæ in Sicilia, Cerri, Comachii, Cremonæ, Dulcis aquæ, Firmi, Ferraræ, Florentiæ, Frusinone, Gaetæ, Genuæ, & alterum ibidem, Gibelinæ, ad S. Georgium, Italæ in Sicilia Messanensi, Lezzi in Calabria, Lezzi in Regno Neapolitano, Maceratæ, Marsellæ, Messinæ in Sicilia geminos, Mediolani item duos, Mondavi in Pedemontio, Montleone in Calabria, Monterrani, Monzæ, Musumellæ, Nardi, Neapoli duos, Nizzæ, Novarræ, Palermitanos geminos, Patanæ, Paviæ, Placentiæ, Pianæ, Pianezzoë, Recinetense in Liguria, Sancti Remi in eadem Provincia, Resinæ, Romæ binos, Salutiis in Sabaudia, Sestri in Liguria, Spoleti, Taurini, Tortonæ, Trapani, Trioræ, Troppæ, & in Valle viridi, Conventus amplissimos Reformata Augustiniana Religio incolit.

Reliquum erat. ut quæ ab Austriacis Principibus Hispaniarum Imperio moderantibus ab incunabulis plusquam Paterna cura fovebatur Religio, iisdem Austriacis Principibus in Germania faventibus adolesceret, & uberiora caperet incrementa. Eventu, non solum non præviso, sed ne præcogitato quidem res acta est. Accidit, aut divinæ potius Providentiæ opus erat, ut bini Religiosi nostri, patriâ Germani; Severinus à S. Jacobo, & Sixtus à S. Laurentio in Italia Ordini adlesti, hic Moravia, alter Moguntina ditione oriundi, amicorum visendorum causa, quos in Regno Bohemiæ habuere Pragam divertent, ubi Sixtus Illustrissimo Guiljelmo Popelio à Lobkowiz (nunc Imperii Principibus hæc familia accensetur) olim notus, se, sociumque Anno 1623. stitit. Is benignissimè exceptis, officia sua, si quibus egerent, desert, præprimis si stabiliendæ in eo Regno Congregationi nostræ locum idoneum reperirent. Erat ea ætate misera Regni illius facies, hæresis quippe potissimam ejus partem, potissimòsque infecerat, civilibus discordiis collidebantur animi; subditi, quod ad defectiorem non unius Heterodoxi Principis, ac inprimis Friderici Palatini, regnò, quod perperam usurpaverat, exuti suggestionibus incitarentur, minùs obsequentes, profanata Altaria, viduæ Pastoribus Ecclesiæ, direpta Monasteria, Sacerdotes, Monachique clau-

claustris pulsi , complures eorum extremô suppliciô affecti , sic ,
 ut res Catholica pessimo loco consistere videretur. Vicit tandem
 Ferdinandi II. Augusti Pietas , qui Mathiæ Imp. Successor datus ,
 profligato in Albo monte hostili exercitu , Maximiliano Bojarie
 Duce Belli Imperatore , motus seu malè metuentium , seu malè
 sperantium compescuit , pristinamque , post annorum complu-
 rium iactationem , tranquillitatem restituit. Ergo primæ Illius
 curæ Sacris prospicere , Evangelii Præcones unde unde accerere ,
 Sacerdotes in eorum vicem qui vel loco pulsi , vel spontaneô
 exiliô se damnarunt , procurare , Cœnobia , & Monasteria aut ve-
 teribus possessoribus reddere , sin illi deessent , alios surrogare ,
 Viros intrepidus designare , qui animos malè in transversum actos
 ad orbitam salutis reducerent , unde palam respirare cœpit fides
 Catholica , quæ tantis motibus agitata , tantum non in ultimum
 discrimen venerat. Occasione hac usi P.P. nostri , & animos ad-
 dente , quem supra laudavimus Guilelmo à Lobkowiz , de loco
 designandi Monasterii circumspiciunt , repertaque in Nova Urbe
 vetustissima D. Wenceslai Ecclesia , eam sibi infimis precibus , ab
 Augustissimo Ferdinando II. deposcunt , Illustrissimo , & Reve-
 rendissimo Carolo Caraffa , tum per Germaniam Nuntio Apосто-
 lico in id negotium totis Viribus incumbente. Facilis Cæsar , ut
 erat in omnem fidei propagandæ occasionem pronissimus , deside-
 ratis annuit , atque ita hoc Templum , translata aliò Parochiâ per
 Ernestum II. * Pragensium Archi-Episcopum , cum jûribus , &
 appertinentiis omnibus Discalceatis traditur. * Hic , cùm pe-
 dem fixissent , mirum dictu est , quâ alacritate , & contentione ,
 convertendis hæreticis , evellendis stirpitûs erroribus , ad frugem
 reducendis peccatoribus , insudârunt , ut passim hac causâ Urbi ,
 bonisque omnibus amori essent , atque ideò ære , rebus ad vitam
 tolerandam necessariis instructi , novum à fundamentis cœnobium
 molirentur , in quo liberalibus Disciplinis ; Theologia tum Scho-
 lastica , tum Polemica novellæ plantæ imbuerentur , Tyrociniô etiam
 compluribus educandis adornatô ; adhuc quidem ignari , hos eos-
 dem esse , quos novæ Colonie in Imperiale Monasterium Viennen-
 se , alióque deducendæ Providentia Divina pararet. Nolumus hic
 deesse elogium , quod Paulus Arringhus in congeminata voce Tur-
 turis * Primævæ nostræ in Germania plantationi scripsit : *Discalce. S.*
Augustini Congregatio , in signe quoque in Imperio Teutonico Eremitanæ Fami-
liæ contulit ornamentum , ab ea enim prodiêrunt , ut rami ex arbore ,
non nullis ab hinc annis Religiosissimi Viri , qui asperiores observantiam
profitentes mirificè illam propagârunt. Inde usque in Germaniam , exten-
dit propagines suas. Pragæ enim petentes ab Eminentissimo Cardinale
Harrach , & aliis Comitibus , & Baronibus benignè excepti , unô lastrô ,
Monasterium S. Wenceslai erexerunt. Ibi devotè famulantes asceta , seu
novitii numerô triginta , Spiritu ferventes , Orationi instantes , carnem
jejuniis , victûs , & vestimenti asperitate crucifigentes cum vitiis , &

* Adalber,
 abHarrach
 *LustriSto-
 riali de
 ScalziAgof,

* Arringh.
 in congem-
 voce Turc.

concupiscentiis, se ipsos populorum præbent exemplum. Ceteri Fratres, vel confessionibus Sacramentalibus intenti, vel choro laudes divinas excelsolventes, vel concionibus frequentissimis, cum ingenti fidelium concursu, insistentes, Apostolica vitæ vestigia adhuc supresse demonstrant &c. &c. Quò factum est, ut facti Christi bonus odor, veri Augustini imitatores, à diversis certatim civitatibus excigantur, ut hæc cæli planta ibidem planzetur, ut fructus producantur ad sanitatem gentium; hoc titulo postulati à Sereniss. Leopoldo Principe Filio Regis Polonia, à Civitate Olomucensi, &c.

His igitur, quas ex Arrhingo attulimus, Sanctis occupationibus intenti ad An. Chr. MDCXXX. in Pragensi Cœnobio stationem tenuère, donec Ferdinandus II. Imp. cum Nuntio Apostolico Joanne Bapt. S. R. I. Cardinale Pallotto, cæterisque Sanctioris Consilii Principibus Viris consilium agigaret, de vocandis in contiguam Aulæ Cæsareæ S. Augustini Basilicam ejus Ordinis Reformatis, Eleonora Mantuana Imperatrice Conjuge, & inlytæ Societatis JESU Patribus, quos tum Imperator, Imperatrix & Aula Cæsarea à Sacris Confessionibus habuit, quosque gratitudinis causa nominamus, partes Discalceatorum strenuè sustinentibus. Urbani VIII. Pont. Max. assensus expectandus adhuc erat, quem Cæsar, litteris ad eundem datis, perquam facilè impetravit, ab eo scil. Pontifice, cui nostra semper in amoribus erat Religio, quàmque Privilegiis, ac incrementis semper auctum ivit. Negotium omne rei hujus Cardinali Pallotto commissum est, vigore Brevis Apostolici ad eum dati die 23. Martii 1630. quod ipsum hic exhibemus: Urbanus Papa VIII. dilecto filio nostro Joanni Bapt. S. R. E. Presbytero Cardinali Pallotto. Dilecte Fili, salutem, & Apostolicam benedictionem. Impositi nobis, per abundantiam divinae gratiæ, Pastoralis Officii debitum postulat, ut ad ea mentis nostræ aciem assiduè intendamus, per quæ Regulares personæ, divini Numinis obsequiis vacantes prosperè dirigantur, ac sub Regularium Institutorum suorum observantia, felicioribus, indies proficere valeant incrementis, &c. Cùm verò Fratres Reformati nuncupati ejusdem Ordinis, in Pragensi, ac aliis Germaniæ Civitatibus, & locis, sub strictioris observantiæ Regulis ipsius Ordinis, uberes in vinea Domini fructus afferant, proindeque idem Ferdinandus Rex, in Imperatorem Electus, ad divini cultus incrementum, ac Christi fidelium ædificationem, per Nos in præmissis, ut infra, opportunè providere summopere desideret; Nos piis dicti Ferdinandi Regis in Imperatorem electi votis hujusmodi annuere volentes, supplicationibus Ejus nomine, Nobis super hoc humiliter porrectis, inclinati, circumspeditioni tuæ, Fratres Reformatos prædictos in dictam domum, &c. transferendi, Facultatem Apostolica auctoritate, tenore præsentium, concedimus, & impartimur; Non obstantibus &c. &c. Datum Romæ apud S. Mariam Major, sub annulo piscat. die 23. Martii 1630.

* Bulla Urbani VIII. P. M.

Marcus ergo à S. Philippo natione Germanus, olim quidem Viennensibus, ob zelosissimas, quas ad Cæsarem, Aulam, ipsosque habuit Conciones, notissimus, Damasus à Nativitate, Placidus

cidus à S. Stephano Sacerdotes , cum Guilelmo à S. Martino Clerico Pragâ evocantur , donec mediatum negotium suum sortiretur effectum , apud RR. PP. Capucinos peramanter , pro Religionis illius more excepti hospitantur , eodem quo advenerant Mense Majo , per Lucam Holsteinium Proto-Notarium Apostolicum , SS. D. N. Cubicularium , non ignotum litteratis virum , à Cardinale Pallotto deputatum in plenam Monasterii , ac Ecclesiæ possessionem introducuntur. Litteræ , quibus & Holsteinio commissa , & peracta est introductio subjunguntur : * Joannes Bapt. S. R. E. Presb. Card. Pallottus , &c. &c. Cùm vigore litterarum Apostolicarum SS. D. N. D. Urbani divinâ Providentiâ Papæ VIII. in forma Brevis expeditarum , ad instantiam S. Cæsareæ Majestatis , sub die 23. Martii præsentis Anni 1630. nec non Decreti nostri in earundem executionem emanati sub die 10. hujus &c. &c. Auctoritate nobis à SSmo. concessa , & quâ fungimur in hac parte , tibi R. Domino Luca Holsteinio , de cujus pietate , doctrina , morumque integritate plurimum in Domino confidimus , tenore præsentium committimus , quatenus PP. Reformatos nuncupatos supradictos in domum Regularem , & Ecclesiam præfatas transferas , & in veram actualem , & corporalem possessionem , tam domûs , quàm Ecclesiæ unâ cum pertinentiis ipsarum inducas , & immittas , quemadmodum & nos eosdem PP. transferimus , inducimus , & immittimus , reservato tamen nobis jure , providendi &c. &c. Volensque ad executionem præfati decreti , seu commissionis , ut par est , devenire , RR. PP. Discalceatos , Reformatos ejusdem Ordinis Sancti Augustini vid: P. F. Marcum à S. Philippo , P. F. Damasum à Nativitate Domini , P. F. Placidum à S. Stephano Sacerdotes Professos , & F. Guilelmum à S. Martino Clericum professum nomine totius ejusdem Ordinis , in corporalem , realem , & actualem possessionem domûs Regularis , & Ecclesiæ Ordinis S. Augustini , prope Palatium S. Cæsareæ Majestatis præfate sitarum , juriumque , & pertinentiarum ipsarum juxta formam supradicti Decreti , seu Commissionis per traditionem , ac palpationem clavis , introitum ad altare , ac pulsationem campanarum ejusdem Ecclesiæ , & subsequenter per accessum domûs Regularis , & per tactum vectis anterioris portæ , & per introitum ejusdem domûs , nemine contradicente , transtulit , inducit , posuit , & immisit ad ea liberè , & pacificè habenda , & possidenda in perpetuum , & nihilominus omnibus , & singulis quorum interest , aut interesse poterit quomodolibet in futurum , ut PP. Reformatos prædictos , eorumque Successores in veros domûs Regularis , & Ecclesiæ prædictarum Possessores perpetuis futuris temporibus recognosci faciant , præcepit , & mandavit , &c. &c.

* Decret.
Emi. Card.
Pallotti.

Sic stabiliti reparandis Ecclesiæ , Monasterioque quæ vetustate vitium fecerant , animos adjiciunt , arctioris instituti tenaces , strictissimæ solitudinis cultores , Hæreticis ad fidem reducendis non inanem elocant operam , cùmque per paucitatem oneri , quod sumptis , pares non essent , suppetias Italiâ , Bohemiâque , Viros simul & piissimos , & litteris Sacrationibus apprimè instructos accersunt , quorum tamen numerum grassante sub hunc an-

* Arringh.
in congem.
voce turt.

num maligna lue , morbus ater servitio ægrotorum hauſtus valde diminuit. Juvat ex authore celebri , ne noſtra plus æquo venditare videamur adducere , quis aulæ Cæſareæ , quis Viennensium de noſtris ſenſus fuerit : * *Ipſe invictiſſimus Ferdinandus Imp. Religionis , & pietatis Conſtantini æmulator , Viennæ Monasterium iisdem Fratribus assignavit , ibi aſceterium , ubi Novitii plurimi ſub duorum Magiſtrorum cura educantur , & ad Religionem informantur , cum aliis Religioſis tota Viennensi civitate in odorem unguentorum , exemplorum ſcilicet , ad ædes Auguſtinianas conflente , quas Imperator , Imperatrix , Rex , & Regina , Archiduces , cum Sacra Functiones , Supplicationes , aliâque exercitia piæ peraguntur , etiam ſuâ præſentiâ cohoneſtant , & mirando ardore , in toto Imperio dilatandam Auguſtini ſobolem concupiſcunt , & ſatagunt , ubi olim tanto ſudore plantata erat cœleſtis illa vinea ; ſub tempore enim S. Guilelmi Ducis Aquitaniæ , qui multa in Germania cœnobio extruxit grande augmentum ſuſcepit : Quæ procedentibus temporibus nonnullis fratribus tepentibus , iterum innovatô Spiritu arctioris obſervantiæ , ad priſtinam , & antiquam formam innovata , inſignes in Doctrina , & Sanctitate Viros produxit. His cuniculis , his machinationibus , ut olim temerè in vulgus ſparſum Eccleſiam Cæſaream noſtram fecimus , non violentis precibus , non importunis ſollicitationibus , non dolo , non fraude , ſed ſpontanea M. Cæſaris donatione. Cauſas illius , quod egit , Sapientiſſimus hic Princeps habuerit , non libet nobis , ſed nec licet tantorum Principum intentionis , arbitris eſſe , quamvis quædam fortæſſe ſubodoremus , quædam nobis liquidò conſent , quædam ſcriptò teneamus , quæ conſultò ſecretis ſcriniis commiſſa relinquimus , niſi fortè , quod non ſperamus , clarigatione opus eſſet. Ferdinandus certè abunde cauſas expoluit in eo Decreto , quò Privilegia , immunitates , prærogativas huic noſtro Imperiali Monasterio largitus eſt , ut palam liqueat , quò amore , quantâque Benevolentia Magnus ille Princeps noſtros complexus ſit , ſiquidem , dum vixit , eos inter converſari , Spiritualibus Exerciitiis , choro , pauperi menſæ intereſſe volupe duxit , idque ſuis Aulicis non una vice teſtatus eſt. Succèſſere in eandem Beneficentiam Throni , & Auguſti ſtemmatis Succèſſores Ferdinandus III. , Leopoldus I. Joſephus itidem I. glorioliſſimæ memoriæ Cæſares , tum & Auguſtiſſimus Carolus VI. qui orbis bono Imperio præeſt , hi conceſſas gratias , & Privilegia , non rata ſolum habuère , ſed majoribus auxère. Ferdinandus III. Principes , Reges , Republicas noſtri cauſa litteris frequenter convenit , Inſtitutum noſtrum iisdem tenerrimè in eorum Ditiones admittendum commendavit , Leopoldus gl. mem. pluribus Monasteriis auxit , quæ infra recenſebimus , cumque , nescio quid negotii , in Romana Curia , nobis quidam faceſſerent Oratori ſuo in mandatis dedit ; omni contentione Jura , Privilegiâque noſtra tueretur ,*

verbis

verbis sequentibus manu sua scriptis usus : * non passurum se unquam, ut vel in minimo, quod quietem, jura, Privilegiâque nostra attinet, lacefferemur. Eadem spes de Augustissimo Monarcha nostro Carolo, cum Imperium capesseret, fuit, sed spem, quamvis amplissimam, ingentes gratiâ, beneficiorumque cumuli excessere. Nunc ipsum Ferdinandi II. Decretum subjungamus : *

* Lit. Leopoldi Imp.

Ferdinandus II, divina favente Clementia electus Romanorum Imperator S. A. ac Germaniæ, Hungariæ, Bohemiæ, Dalmatiæ, Croatiæ, Slavoniæ, &c. &c. Rex Archidux Austriae, Dux Burgundiæ, Brabantiae, Styriæ, Carinthiæ, Carniolæ, Luxemburgi, Wirtenbergæ, Superioris, & Inferioris Silesiæ, Princeps Sæviæ, Marchio S. R. I. Burgoviæ, Moraviæ, Sup. & Inf. Lusatiæ, Comes Habsburgi, Tyrolis. Ferretis, Kyburgi, & Goritiæ, &c. Landgravius Alsatiae, Dominus Marchiæ Slavonicæ, Portus Naonis, & Salinarum, &c.

* Diplom. Ferd. II. dat. Anno 1631. 22. Januar.

Ad perpetuam rei memoriam, tenore presentium significamus, quibus expedit, Universis. Magnus ille amor, quod Summum Ecclesiæ lumen, hæreticorumque malleum S. Augustinum, & ejusdem Canonis, seu Regulae Sectatores semper persecuti sumus, exposcit, ut illos, quos in præfata Regula, uti par est observanda, graviter insudare videmus, favoribus, & gratiis nostris singulariter complectamur. Quam ob rem, cum PP. Augustinianos Discalceatos Reformatos in nostra Civitate Pragensi in Ecclesia, & Monasterio S. Wenceslai Novæ urbis sub strictioris observantiæ Regulis ipsius Ordinis uberes in vinea Domini fructus afferre novissemus, eosdem ad domum Regularem, & Ecclesiam ejusdem S. Augustini Vienna, juxta Palatium nostrum sitam &c. &c. Ad divini cultus incrementum, ipsius præclarissimi Ecclesiæ Doctoris S. Augustini gloriam, ac Christi fideliâ edificationem, de Beatissimi D. N. Urbani Divinâ Providentiâ Papæ VIII. Licentia transferri procuravimus : Quod etiam vigore Diplomatis ejusdem die vigesima tertia Mensis Martii Anno MDC XXX. Romæ sub annulo Piscatoris expediti, & ad Reverendissimum D. Joannem Baptistam Cardinalem Palotum S. Sedis Apostolicæ apud Nos tunc temporis, cum potestate Legati à Latere Nuntium, directi, consecuti sumus &c. &c. Devoti PP. Augustiniani Discalceati vid.

* P. F. Marcus à S. Philippo, P. F. Damasus à Nativitate Domini, P. F. Placidus à S. Stephano Sacerdotes professi, & Fr. Guilelmus à S. Martino pariter Clericus Professor, nomine totius, ejusdem Ordinis, seu Congregationis Discalceatorum Augustinianorum, in corporalem, realem, & actualem possessionem præfate Domûs Regularis, & Ecclesiæ S. Augustini Viennensis propè Palatium nostrum sitæ, per ipsummet Lucam Holstainium, ad hoc, ut jam diximus exequendum delegatum, translati, inducti, positi, & immissi sunt, ad ea liberè, & pacificè habenda, & possidenda in perpetuum, Omnibusque, & singulis quorum interest, aut interesse poterit quomodolibet in futurum, ut PP. Discalceatos Augustinianos prædictos, eorumque Successores in veros Domûs Regularis, & Ecclesiæ prædictarum possessores, perpetuis futuris temporibus recognosci faciant; per eundem pariter Lucam Holstainium, Apostolica, quâ in hac parte fungebatur, autoritate est demandatum. Quod uti Nobis, & nostræ insuper Conjugi, Serenissimæ,

* Primis Discal. Ec. Cæf. S. Augusti. con- signatur.

*Quod illa
condidit
A. 1627.

*Bul. Mar-
tin. V. P.
M. 1422.

*Bul. Ni-
col. V. P.
M. 1441.
*Frid. IV.
Imp.

& Augustissimæ Principi , ac Domina Eleonora Romanorum Imperatrici , Hungariæ , & Bohemiæ Regina Archi-Ducissæ Austria , nata Ducissæ Mantuæ (de cujus etiam assensu , voluntate , & impulsu , ad Sacri quoque ab eadem B. V. Lauretana , in supradicta Ecclesia erecti Sacelli * augendam devotionem , cultumque promovendum , præfatam translationem procuravimus , & , ut dictum est , etiam obtinuimus) gratissimum , & acceptissimum fuit , ita , ut intactum , inviolatumque servare deinceps exoptamus. Quare ad honorem , & gloriam SS. Trinitatis , gloriosæ Virginis Mariæ , ac ipsius præstantissimi Doctoris S. Augustini , supra memoratorum Fratrum Augustinianorum Discalceatorum seu Reformatorum , pietate Christiana , & Catholica fidei zelo , de Sacrarum litterarum præstanti Doctrina , vitæque inprimis , ac morum Sanctitate , tum etiam humilitate , paupertate ducti Cæsareæ nostræ autoritatis robur , seu firmitatem ipsorum ad præfatam Domum Regularem , & Ecclesiam S. Augustini Viennæ propè Palatium sitam , introductioni , translationi , & immisioni eò libentius adjuvamus , quo prædecessores nostros Albertum præsertim secundum felicissimæ reminiscentiæ , Reformationem ipsam sive observantiam in præfata Regulari Domo perpetuis futuris temporibus retinere voluisse cognoscimus. Illudque Martini V. Diplomate V. Calend. Sept. An. 1422. Tibure expedito , & per Venerab. & devotum Henricum de Kitzpuhel Fataviensem Decanum , ab hoc Pontifice specialiter electum Commissarium , die decima septima Januarii sequentis anni recogniti , & pariter approbati invenimus assecutum , Reformatione ipsa , seu observantia in eadem Regulari Domo Viennensi , quo piis ejusdem Alberti Austria pro illo tempore Archi Ducis , & subinde Romanorum Regis , votis abunde satisfaceret , Apostolica etiam autoritate firmata ; & iterum Nicolai V. * Litteris und. Cal. Febr. 1441. Romæ apud S. Petrum expeditis , instante pariter , & eadem promovente Friderico * Romanorum quoque Rege , ibidem Apostolica pariter firmitate roborata , quam etiam autoritate nostra , quantum necesse est , approbamus , roboramus , & communimus : Volentes , & expressè decernentes : ut ipsi Fratres Discalceati seu Reformati prælibatæ Domûs Regularis , & Ecclesiæ Sancti Augustini Viennæ , juxta Palatium nostrum sitæ , veri Domini , secundum dispositionem honorum , à supra nominato Cardinale Pallotto , subinde die 17. Junii A. 1630. Apostolica etiam speciali , quâ in hac parte fungebatur autoritate factam , impofterum agnoscantur , ita ; ut amodo Venerabilis ipsorum Fratrum Augustinianorum Discalceatorum , seu Reformatorum Prior , ejusque Successores unâ cum deputatis Vicariis , Patribus , & Fratribus , Conversis , seu Novitiis , & Servientibus suis omnibus , præfatam domum Regularem , & Ecclesiam S. Augustini Viennæ juxta Palatium nostrum sitam , perpetuis futuris temporibus inhabitare , ibidemque piis ad DEUM preces fundere , ac alia Christianæ charitates officia , prædicando Christi Evangelium , & Ecclesiastica Sacramenta administrando , exercere , & tam fidelium , in his partibus degentium , animarum saluti consulere , quàm etiam hæreticorum , & aliorum peccatorum , atque infidelium conversioni operam præstare , non minus etiam pro sustentatione sua juxta normam , & Regulam sui Ordinis , seu Congregationis præscriptam , Eleemosinas tam hîc Viennæ , quàm

quàm etiam in aliis nostris hæreditariis Regnis, & Provinciis, absque omni impedimento colligere possint, & valeant. Et ut dicti Fratres Discalceati, seu Reformati Augustiniani Omnipotenti DEO nostro tantò devotius possint famulari, quantò exterioribus curis, molestiis, & vexationibus fuerint absoluti, præfatam Domum Regularem, & Ecclesiam, ipsosque Fratres Augustinianos Discalceatos, unà cum omnibus Confratribus, aliisque personis, Ministris, & Servitoribus suis in nostram, hæredùmque nostrorum specialem tuitionem, & protectionem recipimus. Volentes eos ab omni violentia, invasione, & injuria gratiosè protegere, liberando, & excimendo illos, ac ipsorum prædictam Domum Regularem, seu Conventum, & Ecclesiam cum omnibus pertinentibus de præsentì, vel futuris temporibus, ad illa spectantibus, vel spectaturis, ab omnibus gravaminibus, & molestiis, exactionibus, impositionibus, teloniis, collectis, steuris, censibus, ac demùm omnibus & singulis oneribus tam realibus, quàm personalibus, civilibus, & militaribus, quæ eis quomodolibet inferri, & imponi possent. Statuentes, & firmiter tenore præsentium præcipientes, ut hoc Monasterium, Conventus, & Sacra DEI domus, ac ipsi Fratres Augustiniani Discalceati, seu Reformati, eorùmque Ministri, Servitores, & Familia tota in omnibus, & per omnia universis, & singulis gaudeant, fruantur, & potiuntur Privilegiis, exemptionibus, libertatibus, juribus, prærogativis, immunitatibus, præ eminentiis, ac beneficiis quibus alia Monasteria, & Sacra Religiosorum Domus, & loca, DEOque Sacra Viri, & Religiosi sub Regalis in Monasteriis, seu Conventibus viventes, in Sacro Romano Imperio, & nostris hæreditariis Regnis, & Provinciis, ac Ditionibus gaudent, fruuntur, utuntur, & potiuntur, & quibus ante hanc ipsorum introductionem præfatam Monasterium, Conventus, & Sacra DEI Domus ipsique Fratres Augustiniani in eis commorantes, eorùmque Ministri, Servitores, & Familia tota, potiebantur. Ac insuper, ut quidquid de elemosyna, aut aliis rebus in suorum sustentationem, ac totius Monasterii conservationem collegerint, & conquiverint, id illis ubique locorum liberè, tuto, & expedite sine omni prorsus exactione, & quovis alio impedimento cedat, & permittatur &c. Mandantes proinde universis &c. &c. Nulli ergo omnino hominum liceat hanc nostræ gratiæ paginam infringere, aut ei quovis ausu temerario contraire: si quis autem hoc attentare præsumserit, cujuscunque dignitatis, & status existat, præter iram, & ultionem justi DEI vindicis, quam scire potest quilibet, ex alto contra violatores Sacrarum Domuum provenire, etiam nostram, hæredum, & Successorum nostrorum gravissimam indignationem, & pœnam Centum marcarum auri purissimi, pro medietate nostro, hæredum, & Successorum nostrorum ærario, reliquam verò partem præfati Monasterii usibus applicandam, se noverit incursum. Harum testimonio Litterarum, &c. &c. Data in Civitate nostra Vienna Austriae die 22. Mens. Jan. 1631.

Nec Imperiali solum, sed & Apostolica Authoritate quieti, & tranquillitati Discalceatæ Reformationis consultum est: en Eminen-

H

nen-

Archiv. Conv. nentissimi Cardinalis Pallotti hoc fine editum Decretum. * Joannes Baptista S. R. E. Presbyter Cardinalis Pallottus &c. Cum nuper vigore litterarum Apostolicarum &c. &c. Authoritate Apostolica quâ fungimur omnibus & singulis tam Regularibus, quàm secularibus, cujusque gradus, status, aut conditionis, & præcipuè &c. in Virtute S. Obedientiæ, ac sub pœna excommunicationis lata Sententiæ ipsò factò incurrenda, aliisque arbitrio nostro, & Successorum nostrorum, tenore præsentium præcipimus, ac districtè præcipiendo mandamus, ne sæpe memoratos PP. Fratres Discalceatos reformatos in prædicta possessione domus, & Ecclesiæ, pertinentiarumque ipsarum, Domorumque ipsi Ecclesiæ adbarentium, nec non reddituum, proventuum illis pro servitio fabricæ authoritate Apostolica à nobis ad certum tempus assignatorum ullo unquam tempore, & quovis prætextu, quæsito colore, vel ingenio, mediatè, vel immediatè, vel directè, vel indirectè turbare, molestare, vexare, aut inquietare, seu turbari, molestari, vexari aut inquietari facere audeant, vel præsumant, seu quilibet ipsorum audeat, vel præsumat, nec minis contra PP. Discalceatos Reformatos prænominatos, & contra nostram imò verò Apostolicam dispositionem aliquid attentare, vel innovare. Requirentes in Domino omnes, & singulos Dominos Sac. Cas. Maj. Officiales, & Ministros pro tempore existentes, quatenus ad instantiam prædictorum PP. Discalceatorum Reformatorum requisiti, in juris subsidium prædictos Reformatos à molestiis, & impedimentis quibuscumque tueantur, protegant, & defendant, ac in protectionem, & defensionem hujusmodi Brachio, & auxilio Curie eisdem PP. adsint, assistant, & exurgant. Absolutionem autem omnium, & singulorum, qui præfatam nostram Excommunicationis Sententiam incurrent, nobis, vel Summo Pontifici tantummodò reservamus. In quorum fidem &c. &c. Dat. die 3. Julii 1630.

Hæc scripsimus, ut constet mundo; quàm arctò gratitudinis vinculo Augustissimæ Austriacorum Principum Profapiæ adstringamur. Laudes nostrorum, quòd intercurrent, dabitur amori, quo quisque, à natura doctus, majores suos profequitur. Nemi- ni insultamus, nostra nobis solùm vendicamus. Quisquis ringitur, næ ille genium suum prodit, quamcunque formam simulet; nollemus de illo verum fieri, quod Petrus Blesensis scripsit: *Invidia proprium est, laudem alterius suam reputare injuriam.* * Iis talibus ejusdem Blesensis verba occinimus: *Nihil vobis in eorum commendatione detraxi; illos approbo, & vos laudo, ipsorumque titulos in vestræ famæ præjudicium non erecci, Christus divisus non est sive in alba, sive in pulla veste, - attendit Dominus mentem non vestem, merita, non colorem - Ipsa varietas uniformitatis causa est, - Nemo graviter ferat diversitatem ordinum, nam & in stellis ordo est.* &c.

Monast. B. Vir. font. propè Viè.

Sexenniò, limitibus unius hujus Cæsarei Asceterii, Patres se continuere, donec nova Religiosorum hominum accessione aucti, novas sedes respicerent; Primus, quem exquirebant, locus duobus Viennâ lapidibus abest, illic vetus Ecclesia D. V. Mariæ Consolatrici Sacra, humilis quidem, sed magno, ob miracula ibidem fre-

frequentia , populi accursu culta , de fontibus dicta , quòd icon DEI paræ Virginis in fonte reperta sit. Beneficij titulò eam habuit Reverendissimus D. Laurentius de Arupps , Cathedralis Ecclesiæ Viennensis Decanus. Loci amœnitas , situs quieti velut à natura factus eò invitabant , ut vel hic à turbis Civitatum liberæ Tyronum mentes ascencos rudimenta combiberent , vel veterani se recollecturi illuc secederent. Itum ergo ad Cæsarem , semper beneficentissimum , cumque Beneficio suo renuntiâisset supradictus Decanus , nobis possidenda publicò instrumentò confertur * die 2. Febr. 1636. quòd humilis , nec satis numerosi populi capax esset vetus Ecclesia , nova designatur , primosque in fundamenta lapides posuere August. Ferdinandus II. & Leopoldus Guilelmus A. A. Episcopus Pataviensis , marmorì , quod Imperator posuit seqq. insculpta sunt :

* Archiv.
Conv.

D. O. M.

D. Virgini Mariæ Consolatrici

de Fontibus

Ferdin. II. Aug. Rom. Imper. &c. &c.

Pro Ecclesia F. F. Discalc. S. Augustini

Primum lapidem collocavit

An. Chr. MDCXXXVI. die 1. April.

Ecclesia , cum Monasterio quadrienniò perfecta est , digna Austriaca Majestate , accessione Bibliothecæ non mediocris pretij , quam ultimis tabulis Reverendissimus D. de Arupps legavit , aucti , Tyrocinium etiam Religiosorum addidère. Verùm invadentibus Austriam Ottomannis 1683. Ecclesia , Monasterium , Altaria , Sacer apparatus , Bibliotheca , sic conflagrârunt , ut soluta Viennensi obsidione non nisi muri , & hi flammis exesi , restarent , Thaumaturga imagine , non sinè Tartarorum periculo , securo loco , reposita. Subinde de ruinis in elegantem formam Templum surrexit , munificentia potissimum Leopoldi M. Imp. Nostro ævo Venatores Cæsarei Sodalitium Patrono S. Eustachio M. instituere , & splendidissimum Altare huic Sancto de nobilissimo marmore , statuis ære fufis , auróque inductis , amplissimam sumptuum partem conferente Augustissimo Carolo VI. Imp. fieri FF. A Viennensibus , & oppidis vicinis hinc pia Mater frequenter invisitur , & gratias , non parca dispensat.

Labacensis in Metropoli Carniolæ Conventus , & S: ædes D. Monast. & Josepho Christi Nutritio dedicata ære Udalrici S. R. I. Principis ab Eggenberg , quod moriturus struendæ Ecclesiæ reliquerat , cui filius Joannes Antonius tantumdem addidit , ædificari cœpit A. 1653. quamvis ab Anno 1642. quarta milliaris germ. ab Urbe diffito loco sedem fixissemus. Primum lapidem nomine Augustissimi Leo-

Eccl. S. Josephi Labaci in Carn.

poldi Princeps ab Auersperg , Suprem. Provinciæ Præfectus in fundamenta collocavit , quam consummatam Ecclesiam superius dictus Augustissimus Imp. cùm occasione homagii à Ducatu Carniolie præstiti Labaci adesset , invisit , ac translationi corporis S. Peregrinæ V. & M. interfuit , 1660. Habet adjunctum Sacellum & Confraternitatem Defunctorum , sic dictum , quod in eo suffragia pro animabus piaculari igne detentis statis diebus fieri soleant ; Confraternitas Viennensi Cæsareæ , participatione Privilegiorum , juncta est. *

*LustriSto-
riali delli
Scalzi A-
gostin:
Monast. &
Eccl. S. Jo-
an. Herber-
erstain. in
Styr.

Annò 1654. Templum elegans S. Joanni Baptistæ Sacrum à Teutonico Ordine A. 1384. structum , nostris cedit. Adjunctum habet Calvarie montem , Lauretanam ædem , & Sepulchrum Domini genuina Jerosolymitani illius imitatione expressum , quo tota ferè vicina confluit. Fundatores veneratur Illustrissimos S. R. I. Comites ab Herberstain &c. &c. Hic Religiosi nostri fidelibus per montana dispersis , perpetua velut missione deserviunt.

Monast. &
Eccl. B. V.
M. ad Stel-
lam in Bo-
jaria.

Annò eodem Taxæ in Bavaria Ecclesia B. V. M. ad stellam , locò inter Augustam Vindel. & Monachium mediò Provinciæ nostræ accedit. Famosissima ibi DEI paræ imago , multisque portentis celeberrima ab innumero populo colitur , cujus prototypon ovo gallinæ recens edito nitidissimè impressum , sculptor artifice scalpro imitatus est. In hæc usque tempora , voti nondum persoluti reis Gallinæ signata stellis ova enituntur. * Ut omnia nostra Augustissimæ Domui Austriacæ deberemus , illa nobiscum ditiones suas egressa est , quandoquidem Ferdinandus III. & Eleonora Mantuana apud Mariam Annam Bojariæ Ducem Regentem , & Albertum Sigismundum , item Bav. Ducem & Episcopum Frisingensem egere , ut superatis , quæ grandes erant , difficultatibus Ecclesia , & struendo Asceterio spatium concederetur.

* P. Abra-
ham à S.
Clara in
Hist.

Monast. &
Eccl. S. An-
næ Græcii,

Annò 1655. Græcii Styriæ Metropoli domum amplam extra portam , quæ ferrea dicitur , Religiosorum nostrorum Romam comitantium , & agrorum è vicino Monasterio S. Joannis Baptistæ commoditati , Provinciæ ejus Præfectus Joannes Maximilianus Com. ab Herberstain pretio comparat. De Monasterio erigendo cogitantibus , post tentatam alibi stationem , locus in fossa Monetaria obtingit. Primam pro fundamentis petram Imperatoriis manibus Leopoldus I. collocat , cùm Græcii desponsa sibi Claudia Felice Duce Tyr. præfens adesset An. 1673. Ecclesia D. Annæ Christi aviæ consecrata est. En ea , quæ Nummo argenteo in fundamenta posito expressa sunt :

Christus supra primam petram ;
Leopoldus I. Imperator Archidux Austriæ , Dux Styriæ ,
Primæ Petræ hoc imposito nummismate
Ad gloriam D. Annæ

Honorem Religionis , incrementum Ecclesiæ , & Mo-
nasterii hujus ,

Fundamenta jecit FF. Eremit. Discalc. S. Augustini
1673. die 12. Octobr.

Altero nummō sequentia exhibentur :

Primo angulari lapidi Christo JESU
Illustrissimus & Reverendissimus D. D. Polycarpus ,
S. R. I. Comes de Künburg ,
Metropolitanae Ecclesiæ Salisburgensis Præpositus ,
ac Archi. Presbyter

Hunc primum lapidem benedixit , & cum
Sua Cæsarea Majestate Leopoldo Primo
Unà posuit.

1673. 12. Octobr.

Annō 1696. Ecclesia & Monasterium Frattingense , Illustr.
S. R. I. Comitibus de Berchtold , & Heisler initia sua , & incre-
menta debet. Templum S. Nicolai Tol. nomini insignitum , quod
buccellâ panis , in ejus festo benedici solita , igni , quō oppidum
conflagrabit immisâ , prodigiō incendium consopitum sit. An-
nexum habet Sacellum Lauretanum : Monasterii nunc fervet ,
fabrica , juvante DEO , & Benefactoribus perficienda. Mandan-
te Cæsare inque ejus , & Josephi Rom. Reg. vicem primi lapides
jacti sunt An. 1699. per Illustrissimos D. D. Maximilianum Er-
nestum Comitem de Flasching , &c. &c. Et Franciscum Caro-
lum Comitem de Berchtold , in Nummo aureo Imp. sequentia
fuit legere :

Monast. S.
Nico. Tol.
Frattingæ
in Morav.

benignitate , & gratia
Cæsaris nostri AVGVSTISSIMI
Ita ordInante
positVs est Laps Iste
patrIbVs AVGVSTInIans
In fratting :

In Nummo itidem aureo Josephi I. Rom. Regis , & A. A.

pro gLoria beatæ VirgInIs
& honore
sanCtI NICoLai à toLentIno ,
positVs est Laps hIC ab AVGVsto Rege
Iosepho
reformatIs reLigIosIs sanCtI AVGVstInI.

Monast. &
Ecclesia S.
Crucis Strel
læ in Silesia

Annô 1698. Strellæ in Ducatu Silesiæ Ecclesia S. Gotthardi, quondam Parochialis, sed post defectionem hujus urbis ad Lutheri Sectam Accatholicorum usibus relicta volente M. Cæs. Leopoldo die 1. Nov. nostris confertur. Subinde ob angustias loci Monasterium vetus Monialium S. Claræ, ab iis statim sub defectionis initia relicta; & seu casu, seu industriâ exustum cum Ecclesia nobis vendicamus, quæ magnificè apparata nunc S. Crucis dicitur, convertendis hæreticis, non segnem hîc operam PP. navant, frustra laboribus respondente.

His accedunt Conventus Regni Bohemiæ, chronologiæ quidem spectato ordine, superiore loco collocandi; at primariò quæ Viennensi à Conventu ductæ sunt, Colonias dare intendimus, hæc verò Monasteria, quæ à Pragenfi Cœnobio suam cœperunt originem, hoc loco adjecimus:

Toborienf.
Monast. &
Eccl. B. V.
nascentis,

Annô 1640. Taborium, Regni Bohemiæ Urbem, à Senatu Civibusque benignè invitatur, subsidiariis beneficiis adjuti consentiente Ferdinando III. Aug. Ecclesiam, asceteriûmque molimur; quibus initium datum est An. 1642. die nascenti DEI paræ Sacro, cui etiam consecrata est Ecclesia. Cum annis templi nitor, & Familiæ Religiosæ numerus mirum auxit.

Teutobro-
densis Mo-
nast. & Ec-
JESU Mariæ
Joseph.

Annô 1675. Teutobrodensis Conventus P. Joachimo à Præs. B. V. per Germaniam & Bohemiam Priori Provinciali sua debet initia, hujus enim industriâ, precibusque Leopoldus Imp. concessit Conventum cum Sacra æde fundari; jacta sunt fundamenta ann. insequente, quæ piorum elemosynis, & præprimis Serenissimæ Principis Piccolominæ munificentia ad fastigium perducta sunt, JESU, Mariæ, Joseph Sanctissimorum Nominum titulô, ac præfidiô gloriantur.

Schlüßelb.
Monast. &
Conv. SS.
Trinitatis,

Annô 1688. Schlüsselburgensis Ecclesia SS. Triadi consecrata Fundatores habet, Illustrissimum D. D. Hubertum S. R. I. Comitem de Czernin, & Illustrissimum D. D. Thomam, Huberti fil. Cum enim Pater destinasset cuidam Mendicantium ordini eam Ecclesiam consignare, morte præventus filio rem exequendam reliquit. Thomas ergo cum plures essent competitors, trium Religiosorum Ordinum nomina, inter quæ & nostrum erat, totidem Schedis inscribit, in urnam conjicit, tum SS. Triadi sit supplex vellet eos sorte educi curare, qui subditis suis ad salutem, & profectum, spiritualement futuri essent utiliores. Prima quamprehendit Scheda Discalceator: S. Aug. nomine insignita erat, tentatum est vice altera, iterum idem nomen, tandem cum tertia vice idipsum contigisset, Divinam voluntatem hanc ratus, Ecclesiam, amplô Monasteriô adjecto, consignat. Cui Illustrissimæ Profapiæ in hanc diem, ceu Clementissimis Fundatoribus, obstringimur.

His Cœnobiis constat Provincia nostra Germano-Bohemica futura sanè amplissima, si oblata alias, ac alibi in variis Germaniæ par-

partibus acceptare per hominum penuriam licuisset ; nunc Augustissimo Ferdinando II , Introductori nostræ Religionis gloriosissimo , debitum gratitudinis vectigal pendendum est ;

Eucharisticon,

*Augustissimo Inviectissimo Rom. Imp. Cæs.
Ferdinando II. Pio , Felici , Victori , AA. ob
consignatam Augustinianæ Discalceatæ Congregationi
Basilicam Cæsaream Aulicam.*

Ferdinando Aug. Cæs. Pio Fel.

Nomine , re , Domui Sux , nostræque Secundo
Augustiniana reformata Religio ,
Reformatus ad avitam fidem Orbis , Optimo Reformatori
gratabundi applaudant.

Is

Carolô II. Archid. Austr. Duce Burgundiæ , Styriæ , Carinthiæ , &c. &c.

MDLXXVIII. IX. Julii

Inter alpes , montesque Græcii natus

Ut , vel lapides , triumphalibus arcibus
olim merito struendis haberet ,

Vel animi Symbolum sui , cedere nescii , reperiret ,
Cum omne ventorum regnum

* Britannico , * Balthico , * Batavo maribus excitum
Imperio incumbebat ;

Inter saxa gelû rigida adolevit

Ut illi asvesceret hyemi ,

Quam subditorum cordibus sublaturus , aut Septemtrio
illaturus erat ;

Mox eo Principe in pœnitentes , vel lamentabiles aquas
solvendæ.

Ferrea correcturus tempora ,

Ferri feracem Styriam incoluit

Ferream quondam ætatem ferrea fortitudine evicturus
Virtute auream facturus.

Geminis his cardinibus volvi voluit fortunam suam ,

**Britannia, Svecia
Batavia à
partibus
Frid. Pal.
Retit.